

ଗାଲାତିୟ ମଣ୍ଡଳୀ ନିକଟକୁ ପ୍ରେରିତ ପାଉଲକ ପତ୍ର

ଗାଲାତିୟ ମଣ୍ଡଳି ଲାଗାଂ ପକ୍ୟାତି ପାଉଲତି ଆକି

ଗାଲାତିୟ ପତି ବିସ୍ତେ ପାଦେକ୍

ଗାଲାତିୟ ଆକି ପକ୍ୟାତି ପାଉଲତି ହୁକେ ଲେକାତାତ୍ନା । ୧:୧
 ଇ ଆକି ଗାଲାତିୟ ମଣ୍ଡଳିନି ପାତର୍ କିନାକାରିଂ ଜିସୁ କ୍ରିଷ୍ଟତି ଜଲମ୍
 ୪୮ ତାଂ ୫୭ ବାହୁଁ ବିତ୍ତେ ଲେକାଜି ମାତାତ୍ ଗାଲାତିୟାର୍ ରମ୍
 ଦେସ୍ନି ଗାତିୟାତ ବାହା କିଜି ମାତାର୍ । ପାଉଲ୍ ଇ ଆକି ଲେକିକିନି
 ଝେଡ଼ାଙ୍ଗ୍ ଇମେତାକେ ମାତାନ୍ ଇବେ ପଣ୍ଡିତାର୍ ସମାନ୍ ହିଲୁର୍,
 ମାତର୍ ଏପିସି କି କରନ୍ତିତ ଇ ରିବାହା ଆଜି ମାନ୍‌ଗାନାତ୍ ଇଞ୍ଜି ଇନାର୍
 । ପାଉଲ୍ ଗାଲାତିୟ ମଣ୍ଡଳିନି ରିୟାର୍ ଜିହୁଦି ଆରି ପାତର୍ କିଞ୍ଜି
 ଜିହୁଦି କ୍ରିଷ୍ଟିୟାନାତର୍ ନା ହିଜି ଆକି ଲେକିକିନାନ୍ । ହେଝାନ୍ ହାତ୍‌ପା
 ବାବ୍ରେ ମିଟ୍ ହିକ୍ୟାତିଂ ଲଡ଼ି କିନି କାଜିଂ ଲେକିକିଜି ମାତାନ୍, ହେଦାଂ
 କ୍ରିଷ୍ଟିୟାନରିଂ ପ୍ଲାନି ନିୟମିନି ଜିହୁଦି ବିଦିତିଂ ଚାଲାନାକା ଇନ୍‌ପାନାତା,
 ହାତ୍‌ପା ରଚେ ସୁନ୍ନତ୍ ବିଦି ବିସ୍ତେ । କ୍ରିଷ୍ଟିୟାରିଂ ବିତ୍ତେ କେତେକ୍
 ଦଲ୍ ମାତାର୍ ଇମ୍‌ଶାକାରିଂ ଜୁଡ଼ାୟ୍ ଜମ୍ ଇଞ୍ଜି ମାତାର୍ ହେଝାର୍
 ପାତର୍ କିଞ୍ଜି ଜିହୁଦି କ୍ରିଷ୍ଟିୟାରିଂ ସୁନ୍ନତ୍ ବିଦି ପାଲି କିଦେଙ୍ଗ୍ ଇଞ୍ଜି
 ମାତାର୍ । ହେଝାର୍ ପା ପାଉଲ୍‌ତି ପକ୍ୟାଜି ମାତି ଆଦିକାର୍ ବିସ୍ତେ
 ପରସନ୍ କିଜି ମାତାର୍ । ପାଉଲ୍ ଏଚେଗଟା କାତାଙ୍ଗ୍ ବିସ୍ତେ ତା
 ପକ୍ୟାଜି ମାତି ବିସ୍ତେ ଇଞ୍ଜି ହେଝାରିଂ ବନ୍ଦ୍ କିନାନ୍ ୧:୧୧୨:୧୪ ଆରି
 ଜିସୁ କ୍ରିଷ୍ଟଙ୍ଗ୍ ପାତର୍ କିନି କାସି ମୁକ୍ତାନାକା ଇଦାଂ ବୁଜାୟ୍ କିଜି
 ନେକ୍ରିକାବୁର୍ତ୍ତିଂ ରାକ୍ୟା କିତାର୍ ୨:୧୭ । ଇନାକା ଇସ୍‌ବର୍ ଦୟାତାଂ
 ଆଜି ମାନ୍‌ତା ମାନାୟ୍ ଇନାକା କିଜି ମାନାନ୍ ହେବେତାଂ ଆକାୟ୍ ।

ପତି ବିସ୍ତେନି ବାହାଣ୍

୧. ପାଉଲ୍‌ତି ବାହାୟ୍ ୧:୧-୫

- ୨. ପାଉଲ୍‌ଟି ନିଜ୍ଜନ୍ତି ଜିବୁନ୍, ତା ହିକ୍ୟା ହିନାକା ଆଦିକାର୍, ବିଦିନି କାମାୟ୍ ବିସ୍ତେ ୧:୬୨:୨୧
- ୩. ବିଦିନି କାମାୟ୍, ଆରି ଇସ୍‌ସ୍‌ରତି ଦୟାତାଂ ମୁକ୍‌ତାନି ବିସ୍ତେଷା:୪
- ୪. ହାର୍‌ଦି କ୍ରିସ୍ଟିୟାନ୍ ଜିବୁନ୍ ଜିପ୍‌କା କାଜିଂ ଖେର୍‌ନାକା ୫:୧-୬:୧୦
- ୫. ପାଉଲ୍‌ଟି ଇନାକା, ଆରି ଇସ୍‌ସ୍‌ରତି ହୁକେ ଜିବୁନ୍ ମାନ୍‌ବାଦ୍‌ଲାନାକା ଲଡ଼ା । ୬:୧୧-୧୮

୧ ଆନ୍ ପକ୍ୟାତାକାନ୍ ଚେଲା ପାଉଲ୍, ମାନାୟ୍‌ତାଂ ଆକାୟ୍, କି ମାନାୟ୍ ହୁକେ ଆକାୟ୍, ମାତର ଜିସୁ କ୍ରିସ୍ଟୁ ହୁକେ ଆରି ଇମ୍‌ଣି ଆବା ଇସ୍‌ସ୍‌ର ତାଙ୍ଗେଙ୍ଗ୍ ହାତାକାର ବିତ୍ରେତାଂ ନିକ୍‌ତାନ୍, ହେ ଜିସୁ କ୍ରିସ୍ଟୁତାଂ ପାୟାତାନ୍ନା । ୨ ଆରେ ନା ଲାହାଙ୍ଗ୍ ମାନି ପାତ୍ କିନି ଟଣ୍ଡାର୍ ଆରି ତଣ୍ଡେକ୍ ଖିଜାର୍ ଗାଳତ୍ରିଆ ମାନି ମଣ୍ଡଲିକାଂ ଜଖାର୍ ଜାଣାୟ୍ କିନାଙ୍ଗା ।

୩ ମା ଆବା ଇସ୍‌ସ୍‌ର ଆରି ମାପୁ ଜିସୁ କ୍ରିସ୍ଟୁ ମିଙ୍ଗେଙ୍ଗ୍ ଉପ୍‌କାର୍ ଆରି ସୁସ୍ତା ମି କାଜିଂ ଆୟେଡ୍ ।

୪ ହେଖାନ୍ ମା ଆବା ଇସ୍‌ସ୍‌ର ଇଚାତାଂ ଇ ପାପ୍‌ନି ସଁସାର୍‌ତାଂ ମାଙ୍ଗେଙ୍ଗ୍ ଉଦାର୍ କିଦ୍‌ନି କାଜିଂ ମା ପାପ୍ କାଜିଂ ଜାର୍‌ତିଂ ହେଲାୟ୍ କିତାନ୍; ୫ ଜୁଗ୍ ଜୁଗ୍ ଇସ୍‌ସ୍‌ରତି ଜାଜ୍‌ମାଲ୍ ଆୟେଡ୍ । ଆମେନ୍ ।

ରଞ୍ଜାଙ୍ଗ୍ ମାତର ନେକ୍ରିକାବୁର୍

୬ କ୍ରିସ୍ଟୁତି ଉପ୍‌କାର୍‌ତ ଇନେର୍ ମିଙ୍ଗ୍ କୁଚ୍ଛାତାନ୍, ଏଚେକ୍ ବେଗି ଏପେଙ୍ଗ୍ ତାଙ୍ଗ୍ ପିସ୍‌ସି ବିନ୍ ର ନେକ୍ରିକାବୁର୍ କାଜିଂ ଖାରିୟା ଆନାଦେରା, ଇବେ ଆନ୍ କାବା ଆନାଙ୍ଗା; ୭ ହାଡ୍‌ପାତ “ବିନ୍ ଇମ୍‌ଣି ନେକ୍ରିକାବୁର୍” ଆକାୟ୍, ମାତର ଆନ୍ ଏଲେଙ୍ଗ୍ ଇଞ୍ଜନାଙ୍ଗା, ଇନେକିଦେଂକି କେତେକ୍ କ୍ରିସ୍ଟୁତି ନେକ୍ରିକାବୁର୍ ବିନ୍ ବାଦ୍‌ଲାୟ୍ କିଜି ସେସ୍ତା କିନାରା ମିଙ୍ଗେଙ୍ଗ୍ ଇଣ୍ଡିଙ୍ଗ୍ ହାଣ୍ଡିଙ୍ଗ୍ କିଦେଙ୍ଗ୍ ସେସ୍ତା କିନାରା । ୮ ମାତର ଇମ୍‌ଣି ନେକ୍ରିକାବୁର୍ ଆପେଂ ମି ଲାଗାଂ ପରଚାର୍ କିଜି ମାଚାପ୍, ଜଦି ହେଦାଂ ତାଂ ବିନ୍ ର ନେକ୍ରିକାବୁର୍ ଆପେଂ ଜାର୍ ନଲେ ସାଗେଁ ଦୁଡ୍ ପରଚାର୍ କିନାଡ୍, ଲାଗିଂ ହେଦେଲ୍ ତାଆତିସ୍ ହେଖାନ୍ ରାଣ୍ ପାୟା ଆଏଡ୍ । ୯ ଇନେସ୍ ଆପ୍ ପୁର୍ବେତାଂ ଇଞ୍ଜାପ୍‌ନା, ହେ ଲାକେ ଆନ୍ ନଙ୍ଗ୍ ଆରେ ରଗ ଇଞ୍ଜନାଙ୍ଗା, ଇମ୍‌ଣି ନେକ୍ରିକାବୁର୍

ଏପେଙ୍ଗ ଇଡ଼ୁଜି ମାଚାଦେର, ଇଦାଂ ବିନ୍ ଜଦି ଇମ୍ଫଣି ଲଗୁ ବିନ୍ ନେକ୍ରିକାରୁର ମି ଲାଗାୟ ପରଚାର କିନାନ୍, ୱାଟିଙ୍ଗ୍ ହେଝାନ୍ ରାଣି ପାୟା ଆଏଡ଼ ।

୧୦ ଇଦାଂ ୱେନ୍‌ଞ୍ଜି ଏପେଙ୍ଗ ଇନାକା ମାନେ କିନାଦେରା ଜେ ଆନ୍ ମାନାୟାର୍‌ତି ରାଜି ଲାବ୍ କିନି କାଜିଂ ସେଷ୍ଟୁ କିନାଙ୍ଗା ? ଆକାୟ ମୁଲେ ଆକାୟ । ଆନ୍ ଇଚା କିତିସ୍ କେବଲ୍ ଇସ୍‌ରତି ରାଜି । ଆନ୍ ଇନାକା ମାନାୟାର୍ ୱାରି ଆନି କାଜିଂ ଇଚା କିନାଙ୍ଗା ? ଆନ୍ ଜଦି ଇ ପାତେକ୍ ମାନାୟାର୍ ୱାରି ଆଦେଂ ସେଷ୍ଟୁ କିଜି ମାନାର୍, ଲାଗିଂ ଆନ୍ କ୍ରିସ୍‌ଟି ଆଡ଼ିୟା ଆଜି ମାନ୍‌ଗୁନ୍ ।

ପାଉଲ୍ ଇନେସ୍ ପକ୍ୟାତି ଚେଲା ଆତାନ୍

୧୧ ଇନାକିଦେଂକି, ଏ ଟଣ୍ଡାର୍ ଆରି ତଣ୍‌ଦେକ୍, ଇମ୍ଫଣି ନେକ୍ରିକାରୁର ନା ହୁଦାଂ ପରଚାର ଆତାଡ଼ନ୍ନା, ହେ ବିସ୍ତେ ମିଙ୍ଗ୍ ୱେର୍‌ଚାନାଙ୍ଗା ଜେ, ହେଦାଂ ମାନାୟାର୍‌ତି ୱେୟ୍‌ତାଂ ଆକାୟ; ୧୨ ଆନ୍ ଇମ୍ଫଣି ହେ ମାନାୟାତାଂ ହେଦାଂ ଗାଟା ଆଞ୍ଜାତାଂନା କି ଇନେର୍ ନାଙ୍ଗେଙ୍ଗ୍ ହିକ୍ୟା ହିଦ୍‌ଞ୍ଜାତାଂନା, ମତର୍ ଜିସୁ କ୍ରିସ୍‌ଟି ହୁଦାଂ ଗାଟାତାଂନା ।

୧୩ ଜିହୁଦି ଦରମ୍ କାଜିଂ ପାତର୍ କିଜି ମାନି ସମୁତ ଆନ୍ ଇନେସ୍ ଆଚାର୍ ବେବାର୍ କିଜି ମାଚାଙ୍ଗ୍, ଇନେସ୍ ମାନ୍ ଦିୟାନ୍ ବାବ୍ରେ ଇସ୍‌ରତି ପାର୍ତାନା କିନି ମଣ୍ଡୁଲିତିଂ ନିନ୍ଦା କିଜି ମାଚାଙ୍ଗ୍ ଆରି ହେଦାଂ ନାସ୍ କିଦେଙ୍ଗ୍ ସେଷ୍ଟୁ କିଜି ମାଚାଙ୍ଗ୍, ଇ ସବୁ ବିସ୍ତେ ମିଙ୍ଗେଙ୍ଗ୍ ୱେର୍‌ୟାତାଡ଼ନା ୧୪ ☆ଜିହୁଦି ଦରମ୍ ମାନିକିନାକା ସମାନ୍‌ଞ୍ଜେଡ଼ାଂ ଜିହୁଦିର୍ ବିତ୍ରେ ଆନ୍ ଆଗେ ମାଚାଙ୍ଗ୍ ଆରି ମା, ଆବାଲାତ୍ରାତି ଆଦିକ୍ ରିତିନିତି କାଜିଂ ବେସି ତାଟ୍ ମାଚାଙ୍ଗ୍ ।

୧୫ ☆ମତର୍ ଇସ୍‌ର ତା ଉପକାର୍‌ତ ନା ଜଲମ୍ ଆଗେତାଂ ନାଂ ବାଟିକିଜି ମାନ୍‌ଚାନ୍ ଆରି ତା ହେବା କିନି କାଜିଂ ନାଙ୍ଗ୍ କୁକ୍‌ତି ମାନ୍‌ଚାନ୍ । ୧୬ ଆରେ ପାତର୍ କିଞ୍ଜି ଜିହୁଦିର୍ ଲାଗାଂ ନେକ୍ରିକାରୁର ପରଚାର କିନି କାଜିଂ ଏଚେକାଡ଼୍ ନା ଲାଗାଂ ହେଝାନ୍ ତା ମାଜିଂ ହପ୍‌ତାନ୍, ଇ ବିସ୍ତେ ବୁଜାୟ କିନି କାଜିଂ ଆନ୍ ବିନ୍ ମାନାୟା ଲାଗାଂ

☆ **୧:୧୪** ୧:୧୪ ପକ୍ୟାତାକା ୨୨:୩. ☆ **୧:୧୫** ୧:୧୫ ପକ୍ୟାତାକା ୯:୩-୬; ୨୨:୬-୧୦; ୨୬:୧୩-୧୮.

ହାଲ୍‌ଖାଦାଂ ମାଚାଙ୍ଗ । ୧୭ ଇ ଲାକେ କି ନା ଆଗେତାଂ ଇମ୍‌ଣାକାର୍ ପକ୍ୟାତାକାନ୍ ତେଲା ଆଜି ମାଚାନ୍ ହେଝାର୍ ଲାହାଂ ପା ବେଟ୍ ଆଦେଂ ଜିରୁସାଲମ୍‌ତ ହାଲ୍‌ଖାଦାଂ ମାଚାଙ୍ଗ । ଇତିସ୍ ଆନ୍ ସାଙ୍ଗେ ସାଙ୍ଗେ ଆରବ୍ ଦେସ୍‌ତ ହାଲ୍‌ଜି ମାଚାଙ୍ଗ୍ ଆରି ତା ପାଚେ ଦମ୍ଲେସକ୍‌ତ ମାସ୍‌ଦିଝାତାଂ । ୧୮ ☆ତା ପାଚେ ତିନି ବାହୁଁ ହାଚିପାଚେ ଆନ୍ ପିତର୍ ଲାହାଙ୍ଗ୍ ବେଟ୍ ଆନି କାଜିଂ ଜିରୁସାଲମ୍‌ତ ହାଚାଙ୍ଗ୍ ଆରି ତା ଲାହାଙ୍ଗ୍ ପଦର ଦିନ୍ ମାଚାଙ୍ଗ୍ । ୧୯ ମାତର୍ ମାପୁତି ଟଣ୍ଡେନ୍ ଜାକୁବ୍‌ତିଂ ପିସ୍ତି ଆନ୍ ବିନ୍ ଇମ୍‌ଣି ପକ୍ୟାତାକାନ୍ ତେଲା ଲାହାଂ ବେଟା ଆଝାଦାଂ ମାଚାଙ୍ଗ୍ ।

୨୦ ଆନ୍ ଇନାକା ଲେକିକିନାଙ୍ଗା, ହେଦାଂ ହାତ୍‌ପା; ଇସ୍‌ବର୍ ପୁନାନ୍, ଆନ୍ ମିର୍ ଇନୁଙ୍ଗା ।

୨୧ ଇଦାଂ ପାଚେ ଆନ୍ ସିରିୟା ଆରି କିଲିକିୟାନି ବେସି ବାହାତ ହାଲ୍‌ଜି ମାଚାଙ୍ଗ୍ । ୨୨ ହେ ସମୁତ ଜିହୁଦା ଦେସ୍ ମାନି କ୍ରିଷ୍ଟିୟାନ୍ ମଣ୍ଡଲିନି ପାତର୍ କିନାକାର୍ ନାଙ୍ଗ୍ ଜାର୍‌ତି ବିସ୍ତେ ପୁନ୍‌ଝାଦାଂ ମାଚାର୍; ୨୩ ନା ବିସ୍ତେ ବିନ୍‌ନିକାର୍ ଇନାକା ଇଞ୍ଜି ମାଚାର୍, ହେଝାର୍ କେବଲ୍ ହେ ଏଚେକ୍ ପୁନ୍‌ଞ୍ଜି ମାଚାର୍, “ବିନ୍‌ନିକାର୍‌ତାଂ ହେଝାର୍ ଝେନ୍‌ଞ୍ଜି ମାଚାର୍, ଇମ୍‌ଣି ମାନାୟ୍ ମାଂ ଇଣ୍ କିଜି ମାଞ୍ଜାନ୍, ଆରି ମେହାଜି ଦରମ୍‌ତିଂ ନାସ୍ କିଦେଙ୍ଗ୍ ସେସ୍ଟା କିଜି ମାଚାନ୍, ନଙ୍ଗ୍ ହେଝାନ୍ ହେ ଇମ୍‌ଣି ପାତର୍ ନେକ୍ରିକାବୁର୍ ପର୍‌ଚାର୍ କିନାନା ।” ୨୪ ଆରେ ହେଝାର୍ ନା କାଜିଂ ଇସ୍‌ବର୍‌ତିଂ ଜାଜ୍‌ମାଲ୍ କିଜି କେର୍‌ଜି ମାଚାର୍ ।

୨

ପାଉଲ୍ ଆରି ବିନ୍ ପକ୍ୟାତି ତେଲାର୍

୧ ☆ତା ପାଚେ ଚଉଦ ବାହୁଁ ହାଚିପାଚେ, ଆନ୍ ବର୍ଣ୍ଣବା ଲାହାଙ୍ଗ୍ ଆରେ ଜିରୁସାଲମ୍‌ତ ହାଚାଙ୍ଗ୍, ତିତସ୍‌ତିଂ ପା ହାଙ୍ଗ୍‌ଦାଂ ଅଜି ହାଲ୍‌ଜି ମାଚାପ୍ । ୨ ହେବେ ହାନାକା ମାନାତ୍ ଇଞ୍ଜି ଇସ୍‌ବର୍‌ତାଂ ବିନ୍‌ଦେସ୍‌ତ ପାୟାଜି ହାଲ୍‌ଜି ମାଚାପ୍ । ପାତର୍ କିଞ୍ଜି ଜିହୁଦିର୍ ଲାଗାଂ ଆନ୍ ଇମ୍‌ଣି ନେକ୍ରିକାବୁର୍ ସୁଣାୟ୍ କିଜି ମାଚାଙ୍ଗ୍, ଜିରୁସାଲମ୍‌ନି ନେତାରିଂ ର ଇଞ୍ଜିନି ସବାତ ହେଦାଂ ବୁଜାୟ୍ କିଜି ମାଚାଙ୍ଗ୍ । ଆଗେନିକା ନଲେ

☆ ୧:୧୮ ୧:୧୮ ପକ୍ୟାତାକା ୯:୨୭-୩୦. ☆ ୨:୧ ୨:୧ ପକ୍ୟାତାକା ୧୧:୩୦; ୧୫:୨.

ନଙ୍ଗନିକା ସମୁଦ୍ଧି କାମାୟ ଇନେସ୍ ପଲ୍ୟା ଆଉଡ୍ ହେଦାଂ କାଜିଂ ହୁଡ୍ଡ଼ି ମାଚାଙ୍ଗ । ୩ ମାତର ନା ହାଙ୍ଗଦି ତିତସ୍, ରଞ୍ଜାନ ଗ୍ରିକ୍ ଲଗୁ ଆଜି ମାଚିସ୍ପା, ହେଞ୍ଜାନିଂ ସୁନ୍ନଡ୍ ଆନି କାଜିଂ ଜବର୍ଦ୍ଦସ୍ପିତ କିଞ୍ଜାଦାଂ ମାଚାର୍; ୪ ଆତିସ୍ପା କେଡ୍‌ଜାଣ୍ ମାନାୟ ହେଞ୍ଜାନିଂ ସୁନ୍ନଡ୍ କିଦେଙ୍ଗ୍ ଇଚା କିଜି ମାଚାର୍ । ହେଞ୍ଜାର୍ ପାତର୍ କିନାକାର୍ ଟଣ୍ଡେନ୍ ଇଞ୍ଜି ଚାଲାକି କିଜି ଡକ୍‌କ୍‌ତି ଚରେନ୍ ଲାକେ ଦାଡ୍‌ଦ୍ ଏକିସ୍ ମାଚାନ୍ । କ୍ରିସ୍ଟ ଜିସୁ ଲାହାଂ ମେହାନାକା ହୁକେ ଆପେଂ ଇମ୍‌ଣି ଜାର୍‌ତାରେନ୍ ଲାବ୍ କିନାପା, ତାଦାଂ ଡେକ୍‌ନାକା ହେଞ୍ଜାର୍‌ତି ଉଦେସ୍ ମାଚାଡ୍, ମାଙ୍ଗେଙ୍ଗ୍ ଆରେରଗ ବିଦିନି ଆଡ୍‌ଏନ୍ ଆଦେଂ ହେଞ୍ଜାର୍ ଇଚା କିଜି ମାଚାର୍ । ୫ ମାତର ମି କାଜିଂ ନେକ୍ରିକାରୁର୍ ହାଡ୍‌ପାତିଂ ଚାଲା ଆଜି ମାନି କାଜିଂ ଆସେଙ୍ଗ୍ ହେ ପରଚାର୍ କିନାକାରିଂ ଚାନେକ୍ ମତର ପାବ୍ ହିଞ୍ଜାଦାଂ ମାଚାର୍ ।

୬ ମାତର ଇମ୍‌ଣାକାର୍ ନେତା ଇଞ୍ଜି ଡାକ୍‌ପୁଟା ଆଜି ମାଚାର୍, ହେଞ୍ଜାର୍ ଜେ ଇନେର୍ ଆନାର୍, ହେବେ ନାଦାଂ ଇନାକା ହାଲେଡ୍ କି ହାଲ୍‌ମେଡ୍; ଇନେକିଦେଂକି ବାର୍‌ତି ବେବାର୍ ହୁଡ୍‌ଜି ଇସ୍‌ବୁର୍ ଇନେର୍ ବିଚାର୍ କିଉନ୍, ହେ ନେତାର୍ ନାଙ୍ଗ୍ ଇମ୍‌ଣାକା ପା ପୁନି ହିକ୍ୟା ହିଦ୍‌ଞ୍ଜାଦାଂ ମାନଚାର୍ । ୭ ଇତିସ୍ ବିନ୍ ପାକ୍ୟାତ, ଏଚେକାଡ୍‌ଦ୍ ହେଞ୍ଜାର୍ ହୁଡ୍‌ଜି ମାଚାର୍ ଜେ, ପିତର୍‌ତିଂ ଇନେସ୍ ସୁନ୍ନଡ୍ ପାୟାତି ମାନାୟାର୍ ବିଡ୍ରେ, ନାଙ୍ଗ୍ ହେ ଲାକେ ସୁନ୍ନଡ୍ ପାୟାଡ୍‌ତି ବିଡ୍ରେ ନେକ୍ରିକାରୁର୍ ପଚାର୍ କିନି ବଜ୍ ହେଲ୍‌ୟ କିତାଣ୍ଡା, 「ଇନାକିଦେଂକି ସୁନ୍ନଡ୍ ପିତର ଇନେସ୍ ଇସ୍‌ବୁର୍‌ତି ସାକ୍ତି ହୁଦାଂ ଜିହୁଦିର୍ କାଜିଂ ପକ୍ୟାତି ଚେଲା ଲାକେ ବାଚିକିୟାଜି ମାଚାନ୍, ଆନ୍ ପା ସମାନ୍ ହେ ଲାକେ ଇସ୍‌ବୁର୍‌ତି ସାକ୍ତି ହୁକେ ପାତର୍ କିଞ୍ଜି ଜିହୁଦିର୍ କାଜିଂ ପକ୍ୟାତି ଚେଲା ଲାକେ ବାଚିକିୟାତାଂ । ୮ ମୁଣ୍ଡା ଲାକେ ବାଚିକିୟାତି ଜାକୁର୍, ପିତର ଆରି ଜହନ୍ ମାନକିଜି ମାଚାର୍ ଜେ, ଇସ୍‌ବୁର୍ ନାଙ୍ଗ୍ ଇ ବିସ୍ତେ ଦୟା କାମାୟନି ବଜ୍ ହିଡ୍‌ତାନ୍‌ନା । ଲାଗିଂ ହେଞ୍ଜାର୍ ନାଙ୍ଗ୍ ଆରି ବର୍ଣ୍ଣବ୍‌ବା ହାଙ୍ଗ୍‌ଦାକାନ୍ ଲାକେ ଝାରିତାଂ ଇଚ୍ୟାଜି ମାଚାନ୍ । ବର୍ଣ୍ଣବା ଆରି ଆନ୍ ପାତର୍ କିଞ୍ଜି ଜିହୁଦିର୍ ବିଡ୍ରେ କାମାୟ କିନାପ୍ ଆରି ହେଞ୍ଜାର୍ ସୁନ୍ନଡ୍ ବିଡ୍ରେ କାମାୟ କିନାପ୍ ଇଞ୍ଜି ରମାନ୍ କିଜି ମାଚାପ୍ । ୯ ହେଞ୍ଜାର୍ କେବଲ୍ ଏଚେକ୍ ଗଞ୍ଜାରି କିଜି ମାଚାନ୍ ଜେ, ଆପେଂ ହେଞ୍ଜାରିଂ ଦଲ୍‌ଦ୍

ମାନି ହିଲାକାରିଂ ଏଡ୍ କିନାସ୍, ହେ ବିସ୍ରେ କାଜିଂ ନେ ନା ଇତା ମାତାଡ୍ ।

ଆନ୍ତିୟକିଆତ ପିତରଂ ପାତଲ୍ଲତି ଗଡ୍

^{୧୧} ମାତର ପିତର ଆନ୍ତିୟକିଆତ ଖାଜି ମାନିହିଂ ଆନ୍, ହେପାଦନା ଆନ୍ ମୁମ୍ ଜପି ହେଖାନିଂ କେଡ୍ତାଂ, ଇନାକିଦେଂକି ହେଖାନ୍ ଦସି କାମାୟ୍ କିଜି ମାତାନ୍ । ^{୧୨} ଜାକୁର୍ ହୁକେ ପକ୍ୟାତି କେଡ୍ତାଣ୍ ମାନାୟ୍ ହେବେ ଖାନି ପୁର୍ବେ, ପିତର ପାତଲ୍ କିଝି ଜିହୁଦିର୍ ଟଣ୍ଡାର୍ ଆରି ତଣ୍ଡେକ୍ ଲାହାଂ ଚିନ୍ତ୍ଜି ମାତାନ୍, ମାତର ପାଣ୍ଡାତାର୍ । ହେଖାର୍ ଲାହାଂ ହେଖାନ୍ ଆରେ ତିନ୍ତାତାନ୍, ଇନେକିଦେଂକି ପାତଲ୍ କିଝି ଜିହୁଦିର୍ ସୁନ୍ନଡ୍ ଆଦେଂ ଲଡା ଇଞ୍ଜି ଇମ୍ଣାକାର୍ ଇଞ୍ଜି ମାତାର୍, ହେଖାନ୍ ହେଖାରିଂ ପାଣ୍ଡାଜି ମାତାନ୍ । ^{୧୩} ବିନ୍ ଜିହୁଦି ଟଣ୍ଡାର୍ ପିତରତି ଲାହାଂ ଏକିସ୍ କାପ୍ପିୟା ଲାକେ ବେବାର୍ କିଜି ମାତାର୍, ଏଲେଙ୍ଗ୍ ଲାକେ କି ବର୍ଣ୍ଣବା ପା ହେଖାର୍ କୁଟ୍ତ ଆର୍ତାନ୍ ^{୧୪} ମାତର ଏତେକାଡ୍ଦ ଆନ୍ ହୁଡ୍ତାଂ ଜେ, ନେକ୍ତିକାରୁରନି ହାଡ୍ପା ଇସାପ୍ରେ ହେଖାର୍ ହୁଦାର୍ ବେବାର୍ କିଉରା, ଆନ୍ ହେଖାର୍ ମୁମ୍ଦ ପିତରତିଂ ଇଞ୍ଜି ମାତାଙ୍ଗ୍, “ଜଦି ଏନ୍ ଜିହୁଦି ଆଜି ପାତଲ୍ କିଝି ଜିହୁଦିର୍ ଲାକେ ଜିବୁନ୍ ଜିଉଣା କିନାଦେରା, ଖାଟିଙ୍ଗ୍ ଏପେଙ୍ଗ୍ ଇନେସ୍ ପାତଲ୍ କିଝି ଜିହୁଦିର୍ ଲାକେ ଚିନ୍ତା କିଦେଙ୍ଗ୍ କାଜିଂ ବଲକ୍ତାର୍ କିନାଦେରା ?”

ପାତଲ୍ ହୁଦାଂ ମୁକ୍ତାନାକା

^{୧୫} ହାଡ୍ପା ଆପେଂ ଜଲମ୍ତାଂ ଜିହୁଦି, “ଆଡିସ୍ପା ପାପିର୍ ପାତଲ୍ କିଝି ଜିହୁଦିର୍” ଆକାୟ୍, ^{୧୬} ଆଡିସ୍ପା ଆସେଙ୍ଗ୍ ପୁନାସ୍, ବିଦିନି ଗଡ୍ କିନାକା ସବୁ ପାତଲ୍ କିନି କାଜିଂ ଆକାୟ୍, ମାତର କେବଲ୍ ଜିସୁ କ୍ରିସ୍ତାକେ ପାତଲ୍ କିନି ହୁଦାଂ ରଖାନ୍ ଇସ୍ବର୍ କାଣ୍ଡକ୍ତାଂ ଦାମ୍ ଇଞ୍ଜି ଇନ୍ୟାନାନ୍ ଆସେଙ୍ଗ୍ ଆରେ ବିଦି ଜପି ବେବାର୍ କିଝାଦାଂ ଜିସୁ କ୍ରିସ୍ତାକେ ପାତଲ୍ କିନାସା, ଇନେକିଦେଂକି କେବଲ୍ ବିଦି ପାଲି କିନି ହୁଦାଂ ମାନାୟ୍ ଇସ୍ବର୍ ମୁମ୍ଦ ଦାମ୍ ଗାଣାକିୟାଦେଂ ଆଡୁନ୍ । ^{୧୭} ମାତର କ୍ରିସ୍ତାକେ ହୁଦାଂ ମେହାଜି ଇସ୍ବର୍ କାଣ୍ଡକ୍ତାଂ ଦାମ୍ ଆନି କାଜିଂ ସେସ୍ତା କିନିଝେଡାଂ, ଜଦି ଆସେଙ୍ଗ୍ ପା ପାତଲ୍ କିଝି ଜିହୁଦିର୍ ଲାକେ “ପାପି” ଆଜି ମାନାସା,

ଇଦାଂ କାଜିଂ କ୍ରିଷ୍ଣ ଦାଇ ? ଆକାୟ୍, ଇଦାଂ ଇନାଝାଡ଼ାଈ ଆକାୟ୍ ।
 ୧୮ ଇନାକିଦେଂକି ଇମ୍ଫଣି ବିଦିନି ଗାତ୍ତାକା ଆନ୍ ନାଟ୍ନାଈ ହେଦାଂ
 ଆରେ ରଟ୍ଟନାଈ ହାଟିସ୍ ଆନ୍ ଅପାରାଦି ଆନାଈ । ୧୯ ବିଦି କାଜିଂ
 ଆନ୍ ବାତ୍ ହାକି ହେ ବିଦି ହୁକେ ନେ ଆନ୍ ହାତାଈନା ମାତର୍ ଆନ୍
 ନଈ ଇସ୍ଵର୍ କାଜିଂ ଜିବୁନ୍ । କ୍ରିଷ୍ଣ ଲାହାଂ ତା କୁସ୍ତ ଜପି ଆନ୍ ପା
 ହାତାଈନା । ୨୦ ଲାଗିଂ ନଈ ହାତ୍ପାତ ଆନ୍ ଆରେ ଜିବୁନ୍ ଆକାୟ୍,
 ନା ତାକେ କ୍ରିଷ୍ଣନେ ଜିବୁନ୍ । ଆନ୍ ଗାଗାଡ଼ତ ମାନ୍ଝି ନଂ ଇମ୍ଫଣି
 ଜିବୁନ୍ ଜିଉଣା କିନାଈ ହେଦାଂ କେବଲ୍ ଇସ୍ଵର୍ତ୍ତି ମାଜିଡି ଜପି ନା
 ପାତ୍ ହୁକେ ଆତାଡ଼ନା ଇନେର୍ ନାଈଈ ଜିଉନଜି ନା କାଜିଂ ତା
 ଜିବୁନ୍ ଦାନ୍ କିତାନ୍ । ୨୧ ଇଦାଂ କାଜିଂ ଇସ୍ଵର୍ତ୍ତି ଉପକାର୍ତ୍ତି ଆନ୍
 ଇନାଝେଡ଼ାଂ ପା ପଲ୍ୟା କିଦେଈ ଆଡୁଈ । ଇନାକିଦେଂକି କେବଲ୍
 ବିଦି ହୁଦାଂ ଜପି ରଝାନ୍ ଇସ୍ଵର୍ କାଣକୁକାଂ ଦାମ୍ ଆଦେଂ ଆଡ଼ନାନ୍,
 ଲାଗିଂ କ୍ରିଷ୍ଣତି ହାନାକା ମୁଲ୍ହିଲ୍ୟାକା ଇଞ୍ଜି ଇଞ୍ଜେଈ ଆନାଡ଼ ।

୩

ବିଦି ନଲେ ପାତ୍

୧ ଏ ବୁଜାଝି ଗାଳାତିୟାର୍ ! ଇନେର୍ ମି ଜପି ଗାଜାକିଡ଼ତାନ୍
 ? ମି କାଣକୁ ମୁମ୍ଦ ତ କୁସ୍ତ ହାତି ଜିସୁ କ୍ରିଷ୍ଣତି ବାନା ରର୍ଯାଜି
 ମାଗାଡ଼ । ୨ ର କାତା ନାଈ ଇଞ୍ଜା, ବିଦି ପାଲି କିନି କାଜିଂ ଏପେଈ
 ପୁଇପୁୟା ଜିବୁନ୍ତି ପାୟାତାୟନା, ଆକାୟ୍ ନେକ୍ରିକାବୁର୍ ଝେନ୍ଝି
 ହେବେ ପାତ୍ କିନି ହୁକେ ? ୩ ଏପେଈ ଇନାକା ଅବୁଜାକାଦେର୍
 ଆନାଦେରା ଇନେସ୍ ? ମାପୁଡି ସାକ୍ତିତ ଇମ୍ଫଣି ଜିବୁନ୍ତ ହାଈତାଦେଣ୍ଡା,
 ନିଜ୍ ସାକ୍ତିତାଂ ଇନାକା ହେଦେଲିଂ ଗାଗାଡ଼ତ ବାତ୍ କିଦେଈ ଇତା
 କିନାଦେରା ? ୪ ଇଦାଂ କାଜିଂ ମି ଝିଜୁ ବାବନା ଇନାକା, ମଲ୍ ହିଲ୍ୟାକା
 ହେବେଣ୍ଡାଂ ଇନାକା ହିକ୍ୟା କିଝାତାୟନା ? ୫ ଏପେଈ କେବଲ୍ ବିଦିତ
 ପାତ୍ କିଜିମାଟିଲେ ଇନାକା ଇସ୍ଵର୍ ମିଈଈ ହେଝାକ୍ତି ଜିବୁନ୍
 ହିଦନାନ୍ ଆରି ମି ବିତ୍ତେ ସାକ୍ତିନି କାମାୟ୍ ସବୁ କିଦେଈ ଆଡ଼ନାନ୍,
 ଆକାୟ୍, ଏପେଈ ନେକ୍ରିକାବୁର୍ ଝେନ୍ଝି ହେବେ ପାତ୍ କିନାଦେରା
 ଇଞ୍ଜି ?

୭ ✧ ଅବ୍ରାହାମ୍ କାତା ଏତୁ କିୟାଟ୍ । ସାସ୍ତ୍ରତ ଲେକାମାନାତ୍
 “ହେୱାନ ଇସ୍ବରତାଂ ପାତର୍ କିତାନ ଆରି ହେୱାନ୍ତି ପାତର୍ କାଜିଂ
 ଇସ୍ବର ତାଙ୍ ଦାମର୍ ଲାକେ ମାନିକିତାନ । ୭ ✧ ଇଦାଂ ଏପେଙ୍ ପୁନ୍ଝି
 ମାନାଟ୍, ଇମଣାକାର୍ ପାତର୍ କିଦେଙ୍ ରାଜି, ହେୱାର୍ ଅବ୍ରାହାମ୍ତି
 ହାତ୍ପା ଲାତ୍ରା ଇଦାଂ ମିଙ୍ଗେଙ୍ ବେବାର୍ କିଦେଙ୍ ଆନାତ୍ ।
 ୮ ଆଗେତାଂ ଦରମ୍ ସାସ୍ତ୍ରତ ଲେକାତାତ୍ନା, ପାତର୍ ହୁଦାଂ ଇସ୍ବର
 ପାତର୍ କିଞ୍ଜି ଜିହୁଦିରିଙ୍ ପା ଦାମର୍ ଇଞ୍ଜି ବାଟି କିନାନ୍ । ଅବ୍ରାହାମ୍
 ଲାଗାଂ ଇ ବେରଣ୍ ପର୍ତୁମ୍ ସୁଣାୟ୍ କିୟାଜି ମାଚାତ୍, ମି ହୁକେ ଇସ୍ବର
 ପୁତର୍ ନି ଞ୍ଜିଜାର୍ ଜାତିତିଂ ଆସିର୍ବାଦ୍ କିନାନ୍ ।” ୯ ✧ ଅବ୍ରାହାମ୍ ପାତର୍
 କିଜି ଆସିର୍ବାଦ୍ ପାୟାଜି ମାଚାର୍ ଲାଗିଂ ଇମ୍ଣାକାର୍ ପାତର୍ କିନାର୍,
 ହେୱାର୍ ଅବ୍ରାହାମ୍ତି ଲାକେ ଆସିର୍ବାଦ୍ ଗାଟା ଆନାର୍ ।

୧୦ ଇମ୍ଣାକାର୍ ବିଦି ପାଲି କିନି ଜପି ବାସର୍ କିତାର୍, ହେୱାର୍
 ସାଇପ୍ନିକାର୍ ବିତ୍ରେ ଜିବୁନ୍ ଜିପ୍କା କିତାର୍ । ଇନେକିଦେଂକି ଦରମ୍
 ସାସ୍ତ୍ରତ ଲେକାମାନାତ୍, “ମସାତି ବିଦି ପତିତ ଇନାକା ସବୁ ଲେକା
 ଆତାତ୍ନା, ଜଦି ଇନେର୍ ପୁରାବାବେ ହେଦାଂ ପାଲି କିତନ୍, ହେୱାନ
 ଇସ୍ବରତି ସାଇପ୍ ପାୟା ଆନାଦେର୍ ।” ୧୧ ମସାତି ବିଦି ହୁଦାଂ ଇନେର୍
 ଜେ ଇସ୍ବତର୍ ମୁମ୍ଦ ଦାମର୍ ଗାଣାକିୟାତନ୍, ଇଦାଂ ତ ହାର୍କିଜି,
 “ଇନାକିଦେଂକି ଦାମର୍ ଲଗୁ ପାତର୍ ହୁଦାଂ ଜିନାନ୍ ।” ୧୨ ମାତର୍ ବିଦି
 ଲାହାଂ ପାତର୍ ନି ଇନାକାପା ମେହାଣ ଆକାୟ୍ । ଦରମ୍ ସାସ୍ତ୍ରତ
 ଲେକାତାତ୍ନା, “ଇମ୍ଣା ମାନାୟ୍ ବିଦିନି ଦାବି ଲାହାଂ କାମାୟ୍ କିନାନ୍
 ହେୱାନ ଜିନାନ୍ ।”

୧୩ ମତର୍ କ୍ରିଷ୍ଟ ମା କାଜିଂ ସାଇପ୍ ପାୟାଜି ବିଦିତ ଲେକାତି
 ରାଣ୍ଡତାଂ ମାଙ୍ଗେଙ୍ ମୁକ୍ତାୟ୍ କିତ୍ତାନନା । ଦରମ୍ ସାସ୍ତ୍ରତ ଲେକା
 ମାନାତ୍, “ଇନେର୍ ମାର୍ନି କୁସ୍ତ ହାନାନ୍, ହେୱାନ ଇସ୍ବର ହୁକେ
 ସାଇପ୍ ଆନାନ୍ ।” ୧୪ ଇସ୍ବର ଅବ୍ରାହାମ୍ତି ଇମ୍ଣା ଆସିର୍ବାଦ୍ ହିନି
 କାଜିଂ ପାର୍ମାଣ୍ କିଜି ମାଚାନ୍, ପାତର୍ କିଞ୍ଜି ଜିହୁଦିର୍ ପା ଇନେସ୍
 ହେଦାଂ ଲାବ୍ କିଦେଙ୍ ଆତ୍ନାର୍, ଇଦାଂ କାଜିଂ ଜିସୁ କ୍ରିଷ୍ଟ କାମାୟ୍

✧ ୩:୭ ୩:୭ ରମିୟ ୪:୩. ✧ ୩:୭ ୩:୭ ରମିୟ ୪:୧୭.

କିନାନ୍ । ଲାଗିଂ ପାତ୍ ହୁକେ ଆସେଙ୍ଗ୍ ପା ଇସ୍ପୁରତି ତାଟ୍ ଇସାବ୍ରେ ପୁଇପୁୟା ଜିବୁନ୍ ଲାବ୍ କିଦେଙ୍ଗ୍ ଆଡ୍ନାସ୍ ।

ବିଦି ଆରି ପାର୍ମାଣ୍

୧୫ ଏ ଟଣ୍ଡାର୍ ଆରି ତଣ୍ଡେକ୍, ଆନ୍ ର ସଲ୍‌କେନି ଉତର୍ମୁଡ୍ ହିଦ୍‌ନାଙ୍ଗା । ଏରେକାଡ୍‌ଦ ରିୟାର୍ ଇମ୍‌ଣି ବିସ୍ତେ ର ଗଜା ସାକି କିନାରା, ଇନେର୍ ହେ ଗଜା ବାଙ୍ଗାୟ୍ କିଦେଙ୍ଗ୍ ଆଡ୍‌ନ୍ କି ହେବେ ଇନାକା ମେହାୟ୍ କିଦେଙ୍ଗ୍ ଆଡ୍‌ର୍ । ୧୬ ଅଗ୍ରାହାମ୍ ଆରି ହେଝାନ୍ତି ଲାଡ୍ରା ଲାଗାଂ ଇସ୍ପୁର ହେଝାନ୍ତି ପାର୍ମାଣ୍ କିଜି ମାଚାନ୍ । ମାତର୍ ଇ ବିସ୍ତେ “ମି ଲାଡ୍ରାରିଂ କାଜିଂ” ଇଚିସ୍ ବେସି ମାନାୟାର୍ କାଜିଂ ଇଞ୍ଜି ସାସ୍ତର୍ ଲେକାଝାତାଡ୍‌ନା । କେବଲ୍ “ମି ଲାଡ୍ରା କାଜିଂ” ଇଞ୍ଜି ଲେକାତାଡ୍‌ନା । ଲାଗିଂ ହେ ସାସ୍ତରତି କେବଲ୍ ରଝାନ୍ ମାନାୟ୍, ଇଚିସ୍ “କ୍ରିସ୍ଟ କାଜିଂ ଆନାକା ମାନାଡ୍ ।” ୧୭ ନାଦାଂ ଇନାକା ଅରଡ୍ ଆନାତା, ଇସ୍ପୁର ଅଗ୍ରାହାମ୍ ଲାହାଂ ର ନିୟମ୍ ରଚ୍ଚି ମାଚାନ୍ ଆରି ହେଦାଂ ରାକ୍ୟା କିନି କାଜିଂ ପାର୍ମାଣ୍ କିଜି ମାଚାନ୍ । ଚାଚ୍‌ସ୍ ତିରିସ୍ ବାହୁଁ ପାଚେ ହିଦ୍ୟାତାଡ୍, ହେଦାଂ ହେ ଗଜାତିଂ ତ୍ରିକ୍ଚି ଇସ୍ପୁରତି ପାର୍ମାଣ୍ ମୁନା କିଦେଙ୍ଗ୍ ଆଡ୍‌ର୍ । ୧୮ ଇସ୍ପୁରତି ପାର୍ମାଣ୍ ଆସିବାଦ୍ ପାୟାଜି ଜଦି ବିଦି ପାଲି କିନି ଜପି ବେବାର୍ କିତାର୍, ତେବେ ହେଦାଂ ତା ପାର୍ମାଣ୍‌ନି ପାଡ୍ ଇଞ୍ଜି ଆରେ ଇନ୍ୟା ଆଉଡ୍ । ଲାଗିଂ ଇସ୍ପୁର କେବଲ୍ ତା ପାର୍ମାଣ୍ ଇସାବ୍ରେ ହେ ଆସିବାଦ୍ ଅଗ୍ରାହାମ୍‌ତି ହିତାନ୍ ।

୧୯ ତାଆତିସ୍ ବିଦି ଇନେକିଦେଂ ହିଦ୍ୟାତାଡ୍ ? ମାନାୟତି ସଡ୍‌ହିଲ୍‌ଝି କାମାୟ୍ ସବୁ ଚଚ୍ଚି ହିନାକା ହେଦାଂ ଉଦେସ୍ ମାଚାଡ୍ ଆରି ଅଗ୍ରାହାମ୍ ଇମ୍‌ଣି ଲାଡ୍ରାରିଂ ଇଟ୍‌କାଡ୍ କିଜି ଲେକାତି ଇସ୍ପୁର ପାର୍ମାଣ୍ କିଜି ମାଚାନ୍, ହେ ମାନାୟତି ଝାନି ପାତେକ୍ ବିଦିନି ଲଡ୍ରା ମାଚାଡ୍ । ରଝାନ୍ ମାନାୟତି ମାଦ୍‌ଶାକାନ୍‌ତି ସାଗେଁ ଦୁଡ୍‌ର୍ କାଜିଂ ବିଦି ହିୟାଜି ମାଚାଡ୍ । ୨୦ ମାଦ୍‌ଶାକାନ୍‌ତି ର ପାକ୍ୟା ନେତା ଆକାୟା, ମାତର୍ ରଝାନ୍ ଇସ୍ପୁର ।

ବିଦିନି ଉଦେସ୍

୨୧ ଇଦାଂନି ଅରଡ୍ ଇନାକା ? ବିଦି ଇନାକା ଇସ୍ପୁର୍ ପାର୍ମାଣ୍ ବିରୁଦ୍ କିନାଡ୍ ? ଆକାୟ୍ ମୁଲେ ଆକାୟ୍ ! ଇନେକିଦେଂକି

ମାନାୟତିଂ ଜିବୁନ୍ ହିନି ଲାକେ ଜଦି ର ବିଦି କିତିସ୍, ଲାଗିଂ ହେଦାଂ ପାଲି କିଦେଙ୍ଗ୍ ହୁକେ ନେ ମାନାୟ୍ ଇସ୍ବରତି କାଣିକ୍ବୁତ ଦସ୍‌ହିଲ୍‌ଖାକାନ୍ ଆତାନ୍‌ମା । ୨୨ ମାତରୁ ଦରମ୍ ସାସ୍ବରତ ଲେକାମାନାଡ୍, ରାଜିନି ନାର୍ ଜାତି ପାପ୍ ସାକ୍ତିତାଂ ତାରେନ୍, ଲାଗିଂ ଇନେସ୍ ଜିସ୍ବୁ କ୍ରିସ୍ଟୁ ତାକେ ପାତର୍‌ନି ପାଡ୍‌ଲାକେ ପାର୍ମାଣ୍‌ନି ଆସିର୍ବାଦ୍ କ୍ରିସ୍ଟୁଙ୍ଗ୍ ପାତର୍‌ନି କିନାକାର୍ ପାୟାନାର୍ ।

୨୩ ପାତର୍‌ନି ଜୁଗ୍ ଖାନି ଆଗେ, ଆରି ହତେଙ୍ଗ୍ ହାଲ୍‌ଜିମାନି ପାତେକ୍ ବିଦି ମା ଓଁଜାରିଂ ଗେହ୍ୟାଜି ଇଟ୍ୟା ଆଜି ମାତାସ୍ । ୨୪ କ୍ରିସ୍ଟୁତି ଖାନି ପାତେକ୍ ବିଦି ମା ତାରେନ୍ ମାତାଡ୍; ମାତରୁ ତା ପାତେ କେବଲ୍ ପାତର୍‌ ହୁକେ ଆସେଙ୍ଗ୍ ଇସ୍ବର ମୁମ୍‌ଦ ଦାମ୍‌ ହିଲ୍‌ଖାକାନ୍ ଇଞ୍ଜି ଇନ୍‌ମାନାନ୍ । ୨୫ ମାତରୁ ନଙ୍ଗ୍ ହେ ପାତର୍‌ ଏକିତି ପାତେ ଆସେଙ୍ଗ୍ ଆରେ ବିଦିନି ତାରେନ୍ ଆକାୟ୍ ।

୨୬ ପାତର୍‌ ହୁକେ କ୍ରିସ୍ଟୁ ଜିସ୍ବୁତି ଲାହାଂ ବାଟିକିୟାଜି ଏପେଙ୍ଗ୍ ଓଁଜାକାଦେର୍ ଇସ୍ବରତି ହିମ୍‌ଣାଂ ଆତାଦେର୍ଣ୍ଣା । ୨୭ ବାପ୍ତିସିମ୍ ହୁକେ ଏପେଙ୍ଗ୍ କ୍ରିସ୍ଟୁ ଲାହାଂ ଏକ୍ ଆତାଦେର୍ଣ୍ଣା ଆରି ନଙ୍ଗ୍ ଜିସ୍ବୁ କ୍ରିସ୍ଟୁତି ଜିବୁନ୍ ଲାକେ ହେନ୍ଦା ଉସ୍ପାତାଦେର୍ଣ୍ଣା । ୨୮ ଲାଗିଂ ଜିହୁଦି ଆରି ପାତର୍‌କିଓଁ ଜିହୁଦି, ଗିକ୍, ଆଡିଏନ୍ କି ଜାର୍‌ତାରେନ୍, ଆଣ୍ଡେନ୍ କି କଗ୍‌ଲେ, ମି ବିଡ୍ରେ ମୁଡ୍‌ପା ବିନେ ଆକାୟ୍ । ଏପେଙ୍ଗ୍ ଓଁଜାର୍ ଜିସ୍ବୁ କ୍ରିସ୍ଟୁ ଲାହାଂ ମେହାଜି ଏକ୍ ଆତାଦେର୍ଣ୍ଣା । ୨୯ ଆରେ ଜଦି ଏପେଙ୍ଗ୍ କ୍ରିସ୍ଟୁତି ମାନାୟାର୍ ଲାଗିଂ ଅବ୍ରାହାମ୍‌ତି ଲାତ୍ରା ଆରି ଇସ୍ବର ଇନାକା ପାର୍ମାଣ୍ କିତାନ୍‌ନା, ହେଦାଂ ଲାବ୍ କିନାଦେର୍ ।

୪

୧ ମାତରୁ ଆନ୍ ଇଞ୍ଜନାଙ୍ଗା, ମାଜି ଆବାତି ସବୁ ଦନ୍‌ନି ହାଉକାର୍, ମାତରୁ ସବୁ ବିସ୍ତେ ଆଦିକାର୍ ଆଦେଂ ପା ପାୟାଓଁତି ବ୍‌ଇସ୍ ମାନି ପାତେକ୍ ହେଖାନ୍ ଆଡିଏନ୍ ଲାକେ ମାନ୍‌ଗାନାନ୍, ୨ ହିମ୍‌ଣା ଅବସ୍ତାତ, ତା ଆବାତି ସମାନ୍ ସମ୍ବୁ ପାତେକ୍ ଗୁମୁସ୍ତା ଜାତୁନ୍ ଅନାର୍ ଆରି ସବୁ ବିସ୍ତେନି ହପ୍‌ତାନାନ୍ । ୩ ସମାନ୍ ହେ ଲାକେ ଆପେଂ ପା ଆଦିକ୍ ବାବ୍ରେ ପାୟାତି ବ୍‌ଇସ୍ ଆଗେ, ପୁତର୍‌ ଜପି ରାଜ୍ କିଜି ମାନି ସାକ୍ତିନିକାର୍‌ତି ଆଡ୍‌ୟା ମାତାସ୍; ୪ ହାରିହାରା ଏତେକାଡ୍‌ଦ୍ ସମାନ୍ ସମ୍ବୁ ଖାତିଲେ,

ଇସ୍ଵର ଜାର ମାଜିଂ ପକ୍ତାନ । ରଞ୍ଜେଲ୍ ହୁଦାର କଗ୍ଲେ ପଟତାଂ ଉଦ୍‌ଜାତି ଜିହୁଦି ବିଦିନି ତାରେନ୍ ଜିବୁନ୍ ଜିପ୍‌କା କିତାନ, ^୫ *ଇନେସ୍ ହେଞ୍ଜାନ୍ ଲଡାନି ମଲ୍ ହିଜି ହେ ବିଦିନି ଗାଟ୍‌ୟାତିତାଂ ବିନ୍ ଲଗାଂ ମୁକ୍‌ଡାୟ୍ କିନାକା ଆରି ହେଞ୍ଜାରିଂ ଇସ୍ଵରତି ମାଜି ଆନି ଉପାୟ୍ ହିନାକା ତା ଜିବୁନ୍‌ତନି ଉଦେସ୍ ମାଟାଡ୍ ।

^୬ ଏପେଙ୍ଗ୍ ଜେ ଇସ୍ଵରତି ମାଜି, ଇଦାଂ ପାର୍ମାଣ୍ କିନି କାଜିଂ, ଇସ୍ଵର ତା ମାଜିତି ପୁଇପୁୟା ଜିବୁନ୍‌ତିଂ ମା ଖାସ୍ତିତିଂ ପକ୍ତାତାନ୍ନା । “ହେ ପୁଇପୁୟା ଜିବୁନ୍ ଗାଜା କାଟତାଂ ଇନାତା, ଆବା ଏ ନା ଆବା !” ^୭ ଲାଗିଂ ଏପେଙ୍ଗ୍ ଆରେ କଡ୍‌କା ଆଡ଼ିୟାର୍ ଆକାୟ୍, ମାତର୍ ମାଜି କି । ଏପେଙ୍ଗ୍ ତା ମାଜି ଆଜି ମାଟିଲେ, ଇସ୍ଵର ତା ମାଜିଗାଡ୍ କାଜିଂ ଇନାକା ଇଡ୍‌ତାନ୍ନା, ହେ ସବୁ ମିଙ୍ଗେଙ୍ଗ୍ ଦାନ କିଦ୍‌ନାନ ।

ଗାଳାତିୟାତ୍ କାଜିଂ ପାଉଲ୍‌ତି ଚିନ୍ତା

୮ ମାତର୍ ଆଗ୍‌ତୁ ଏପେଙ୍ଗ୍ ଇସ୍ଵରତିଂ ପୁନ୍‌ଖାଦାଂ ମାଟାଦେର୍, ଲାଗିଂ ଇମ୍‌ଣାକାର୍ ହାତେନେ ଇସ୍ଵର ଆକାୟ୍, ହେ ଲାକେ ମିର୍ ପେନ୍ ପୁଦାତିଂ ଆଡ଼ିୟା ମାଟାଦେର୍; ^୯ ମାତର୍ ନଙ୍ଗ୍‌ୟ୍ ଏପେଙ୍ଗ୍ ଇସ୍ଵରତିଂ ପୁଟାଦେଣ୍ଟା ଆନ୍ ଇଞ୍ଜନାଙ୍ଗ୍, ନଙ୍ଗ୍‌ୟ୍ ଇସ୍ଵର ମିଙ୍ଗେଙ୍ଗ୍ ପୁନ୍‌ଚାନ୍‌ନା । ଖାଟିଂ ଇଦାଂ ଇନେସ୍ ଆନାଡ୍ ଜେ, ଏପେଙ୍ଗ୍ ଆରେ ରଗ ହେ ନାଦାର୍ ବପୁ, ଦାଣ୍ଡିନି ପେନ୍ ପୁଦାଂ ଲାଗାଂ ମାସ୍‌ଦି ହାଞ୍ଜେଙ୍ଗ୍ ମାନ୍ କିନାଦେରା ? ଏପେଙ୍ଗ୍ ଇନେକିଦେଂ ଆରେରଗ ହେଞ୍ଜାରିତି ଆଡ଼ିଏନ୍ ଆଦେଂ ଇଚା କିନାଦେରା ? ^{୧୦} ଦୁକ୍‌ନି କାତା, ଏପେଙ୍ଗ୍ ଏଚେଗଟା ହାଦ୍ ଦିନ୍, ମାସ୍ ପାଗ୍ ଆରି ବାହ୍ କାଜିଂ ବେସି ମାନ୍ ହିନାଦେରା । ^{୧୧} ମି କାଜିଂ ଆନ୍ ଇମ୍‌ଣି କସ୍ କିନାଙ୍ଗା, ଏଚେକାଡ୍‌ଦ୍ ହେଦାଂ ପଲ୍ୟା ଆନାଡ୍, ମି ବିସ୍ତେ ନାଦାଂ ଇ ପାଣ୍ଡୁ ।

^{୧୨} ଏ ଟଣ୍ଡାର୍, ଆରି ତଣ୍ଡେକ୍ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାଙ୍ଗା, ଏପେଙ୍ଗ୍ ନା ଲାକେ ଆଡ୍ । ଆନ୍ ମି ଲାକେ ଆତାଙ୍ଗ୍‌ନା ଆରି ଏପେଙ୍ଗ୍ ନା କାଜିଂ ଇମ୍‌ଣାକା ପା ଅନ୍‌ୟାୟ୍ କିଞ୍ଜାତାଦେଣ୍ଟା । ^{୧୩} ଆନ୍ ପର୍ତ୍ତୁମ୍ ହର୍ ଇନେକିଦେଂ ମି ଲାଗାଂ ନେକ୍ରିକାବୁର୍ ପର୍‌ଚାର୍ କିଜି ମାଟାଙ୍ଗ୍, ହେଦାଂ ଏଡ୍ କିୟାଟ୍ । ହେପାଦ୍‌ନା ଆନ୍ ଗାଗାଡ୍ ନାଦାର୍ ମାନି

* ୪:୫ ୪:୫ ରମିୟ ୮:୧୫-୧୭.

କାଜିଂ ଇଦାଂ କିଜି ମାଚାଡ଼ । ୧୪ ମାତର ନା ଗାଗାଡ଼ନି ଅବସ୍ତା ମି ପାକ୍ୟାତ ରିସା ଆତିସ୍ପା, ଏପେଙ୍ଗ ନାଙ୍ଗ୍ ଗ୍ଲୁଇଦାଝାତାଦେର୍ କି ଗିଣ୍ କିଝାତାଦେର୍, ଇତିସ୍ ଇସ୍ପର ନାଙ୍ଗ୍ ର ସାଗେଁ ଦୁଡ଼ ଲାକେ ଇଚ୍ୟାଜି ମାନଚାନ୍ । କ୍ରିସ୍ଟ ଜିସ୍ତୁତି ଏପେଙ୍ଗ୍ ଇନେସ୍ ମାନି କିତାଦେର୍ମା ହେ ଲାକେ ନାଙ୍ଗେଙ୍ଗ୍ ପା ମାନି କିଜି ମାନଚାଦେର୍ । ୧୫ ଏପେଙ୍ଗ୍ ଏଚେକ୍ ଝାରିଝାଦାଂ ମାଚାଦେର୍ ! ମାତର ନଙ୍ଗ୍ ଇନାକା ଆତାଦେର୍ଣ୍ଣା ? ମି ମେହାବିଡ଼ା ଆନ୍ ଇ ସାକି କାତା ତାଟ୍ ବାବ୍ରେ ଇଞ୍ଜେଙ୍ଗ୍ ଆଡ଼ନାଙ୍ଗ୍ ଜେ, ଆଜି ମାଚିସ୍, ଏପେଙ୍ଗ୍ ଜାର୍ ଜାର୍ତି କାଣଗା ଉନ୍ଦି ତାଇଝାଜି ହିତାଦେର୍ମା । ୧୬ ଲାଗିଂ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିଲେ ମିଂ ଇନାକା ସାତୁ ଆତାଂନା ?

୧୭ ହେ ବିନ୍ନିକାର୍ ମି ହାର୍ କାଜିଂ ବେସି ଝାରିନିକାନ୍ ଇଞ୍ଜି ଚଞ୍ଜିୟାନାନ୍ । ମତର ଇବେ ହେଝାର୍ତି ସଡ଼ ଉଦେସ୍ ହିଲୁଡ଼ । ହେଝାର୍ତି ରଞ୍ଜାଙ୍ଗ୍ ମତର ଇଚା, ଇନେସ୍ ଏପେଙ୍ଗ୍ ନା କାଜିଂ ବିନେ ଆଜି ହେଝାର୍ କାଜିଂ ମାନ୍ହିୟାଟ୍ । ୧୮ ମାତର ସବୁ ସମୁତ ଆନ୍ ମି ଲାହାଙ୍ଗ୍ ମାନି ଝେଡ଼ାଲିଂ ଆକାୟ୍, ମତର ସବୁ ଝେଡ଼ାଲିଂ ହାଦ୍ ବିସ୍ତେ ଜିବୁନ୍ ହିନାକା ହାର୍ । ୧୯ ଏ ନା କାଡ଼ଦେର୍, ଏଚେକ୍ ପାତେକ୍ ମି ତାକେ କ୍ରିସ୍ଟ ଲାକେ ଆଝାତାଦେର୍ଣ୍ଣା, ହେ ପାତେକ୍ ମି କାଜିଂ ଆରେ ରଗ କୁଚ୍ଚିତ ବିପ୍ରି ଆନାତା । ୨୦ ଆନ୍ ଇନେସ୍ ନଙ୍ଗ୍ ମି ଲାଗେ ଏକିସ୍ ବିନ୍ ବାବ୍ରେ କାତା ଇଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ ନା ମାନ୍; ଇନାକିଦେଂକି ଆନ୍ ମି ବିସ୍ତେ ବୁଦିବାଣା ଆନାଙ୍ଗା ।

ହାଗାରା ଆରି ସାରାତି ଉତରମୁଡ଼

୨୧ ଇମ୍ଫାକାର୍ ବିଦିତ ମାନି କାଜିଂ ଇଚା କିତାର୍ ଏପେଙ୍ଗ୍, ନାଙ୍ଗ୍ ଝେଚ୍ଚଟାଟ୍ ତ, ଏପେଙ୍ଗ୍ ଇନାକା ବିଦିନି ବଚନ୍ ଝେନ୍ନୁଦେରା ? ୨୨ ଇନାକିଦେଂକି ଲେକା ମାନାଡ଼, ଅବ୍ରାହାମତି ରିଆର୍ ହିମ୍ଫାଂ ମାଚାର୍, ରଝାନ୍ କଡ଼କା ଆଡ଼ିଏଣି ତାଙ୍ଗ୍ ଆରେ ରଝାନ୍ ଜାର୍ କଗ୍ଲେ ତାଂ ଚଞ୍ଚାକାନ୍ । ୨୩ ଇନେର୍ ଆଡ଼ିଏଣିତି ମେହି, ହେଝାନ୍ ଗାଗାଡ଼ନି ମ୍ରାସବେଲ୍ ଚଞ୍ଚାନ୍; ମାତର ଇନେର୍ ଜାର୍ କଗ୍ଲେନି ମେହି, ଇସ୍ପରତି ପାର୍ମାଣ୍ ସାକ୍ତିତ ଚଞ୍ଚାନ୍ । ୨୪ ଇ ଝିଜୁ କାତାନି ର କାତା ପୁନାକା ମାନାଡ଼, ଇନାକିଦେଂକି ଇ କଗ୍ଲେକ୍ ରି ନିୟମ୍ନି ଲାକେ; ର ନିୟମ୍ ସିନୟ୍ ମାଡ଼ିତାଂ ଉବ୍ଜାଣ, ହେଦାଂ ଆଡ଼ିଏନ୍ କାଜିଂ ହିମ୍ଫାଂ

ଗାଗାଆନାକାଦେଲ୍, ହାଗାରା ହେବେନି ରଞ୍ଜେଲ୍ । ୨୫ ହାଗାରା, ଲାକେ ଇ ବେରଣ୍ ଆରବ୍ତ ସିନୟ୍ ମାଡ଼ିତିଂ ଆଣ୍‌ଗାନାଡ଼, ଆରେ, ହେଦାଂ ନଙ୍ଗନି ଜିରୁସାଲମ୍ ସମାନ୍ ଲାକେ, ଇନାକିଦେଂକି ଇ ଜାର୍ ହିମ୍‌ଣାଂ ହୁଦାଂ ଆଡ଼ିଏଡ଼ ମାଚାନ୍ନା । ୨୬ ମାତର୍ ସାଗେତାଂ ଜିରୁସାଲମ୍ କୁଲାସ୍, ଆରି ହେଦେଲ୍ ମା ତାଡ଼ି ।

୨୭ ଇନେକିଦେଂକି ସାସ୍ତୁର୍ତ ଲେକାମାନାଡ଼,
 “ଆଗ ବାଞ୍ଜି, କଗ୍‌ଲେ, ଏପେଙ୍ଗ୍ ଖାରି କିୟାଟ୍
 ଇନାଖାଡ଼ାଙ୍ଗ୍ କୁଚ୍‌ନି ନଦ୍‌ନାକା ଏଡ଼କିଖାଦାଂ ମାଚିସ୍‌ପା, ଖାରି
 କିୟାଟ୍ ।

ଇନେକିଦେଂକି ଆଣ୍ଡେନ୍ ଲାହାଂ ବାହା କିଜି ମାନି କଗ୍‌ଲେ ଲାକେ
 ରଖାନ୍ ପିସ୍ତ୍ରିକଗ୍‌ଲେନି ହିମ୍‌ଣାଂ ଲମର୍ ଆଦିକ୍ ।”

୨୮ ଏ ଟଣ୍ଡାର୍, ଏପେଙ୍ଗ୍ ଇସହାକ୍ ଲାକେ ପାର୍ମାଣ୍‌ନି ହିମ୍‌ଣାଂ ।
 ୨୯ ମାତର୍ ଗାଗାଡ଼୍‌ନି ହେଦ୍‌ହବାୟ୍ ଇସାପ୍ରେ ଇନେର୍ ଜଲମ୍ ଆତାନ୍,
 ହେଖାନ୍ ଇନେସ୍ ହେଖେଡ଼ାଲିଂ ପୁଇପୁୟା ଜିରୁନ୍ ପାର୍ମାଣ୍ ଇସାପ୍ରେ
 ଇନେର୍ ଜଲମ୍ ଆତାଣ୍ଡା, ଇସ୍ପୁର୍ତିଂ ନିୟା କିଜି ମାଚାଡ଼ । ୩୦ ମାତର୍
 ସାସ୍ତୁର୍ ଇନାକା ଇନାଡ଼ ? “କଡ଼ତି ଆଡ଼ିଏଣି ଆରି ତା ମେହିଙ୍ଗ୍ ପିସ୍ତ୍ରି
 ତୁହିୟାଟ୍; ଇନାକିଦେଂକି ଆଡ଼ିଏଣି ମେହି ଜାର୍ତିଂ କଗ୍‌ଲେନି ମେହି
 ଲାହାଙ୍ଗ୍ ଆଦିକାର୍ ଆଉନ୍ ।” ୩୧ ଲାଗିଂ, ଟଣ୍ଡାର୍ ଆରି ତଣ୍‌ଦେକ୍
 ଆସେଙ୍ଗ୍ କଡ଼କା ଆଡ଼ିଏଣି ହିମ୍‌ଣାଂ ଆକାୟ୍, ମତର୍ ଜାର୍ କଗ୍‌ଲେନି
 ହିମ୍‌ଣାଂ ।

୫

କ୍ରିଷ୍ଟ ତାକେ ମି ଉଦାର୍

୧ ଆପ୍ ଜାର୍‌ତାରେଡ଼ିଂ । କ୍ରିଷ୍ଟ ମାଙ୍ଗେଙ୍ଗ୍ ଜାର୍‌ତାରେନ୍ କିଡ଼ତାନ୍ନା ।
 ଲାଗିଂ ଏପେଙ୍ଗ୍ ଜାର୍‌ତାରେନ୍‌ତ ତିର୍ ମାନାଟ୍ । ଆରେରଗ ଆଡ଼ିଏନ୍
 ଜୁଖାଣ୍ ଗାଡ଼୍‌ୟାତି ରବେ ଆନି କାଜିଂ ଜାର୍‌ତିଂ ଜାଗା ଆମାଟ୍ ।

୨ ଆନ୍ ପାଉଲ୍, ଇନାକା ଇଞ୍ଜନାଙ୍ଗା ଖେନାଟ୍, ଏପେଙ୍ଗ୍ ଜଦି ସୁନ୍‌ଡ଼
 ବିଦି ପାଲି କିୟାଟ୍, ତା ଅରଡ଼ ଆନାଡ଼, ମି କାଜିଂ କ୍ରିଷ୍ଟତି ଇମ୍‌ଣି ଲଡ଼ା
 ଆକାୟ୍ । ୩ ଆନ୍ ସୁନ୍‌ଡ଼ ପାୟାନି ଜାଣକେଡ଼ିଂ ଆରେ ରଗ ସାକି
 ହିନାଙ୍ଗା ଜେ, ହେଖାନ୍ ଖିଜୁ ବିଦି ପାଲି କିନି କାଜିଂ ଦାୟିଡ଼ । ୪ ମି

ବିଦ୍ରେତାଂ ଇମ୍ପ୍ରୋବାର୍ ବିଦି ପାଲି କିନି ହୁକେ ଇସ୍ପରତି କାଶ୍ଚୁତ ଦାମ୍ ବାଚିକିୟାଦେଂ ଆନି କାଜିଂ ସେସ୍ଟା କିନାରା, ହେଝାର୍ ଜାର୍ ଜାର୍ତିଂ କ୍ରିସ୍ଟାଂ ଚିରବିର୍ କିତାରନା, ହେଝାର୍ ଇସ୍ପରତି ଉପକାରତ ଦେହାଆତାର୍ଣ୍ଣା । ^୫ ମାତର୍ ଆପ୍ ଆହା କିନାପା ଜେ ଇନାକିଦେଂକି ଆସେଙ୍ଗ୍ ପୁଇପୁୟା ଜିବୁନ୍ ହୁଦାଂ ପାତ୍ କାଜିଂ ଦାମ୍ କାତା ଗାଟାନି ଆହାତ କାନାସା । ^୬ ଇନେକିଦେଂକି କ୍ରିସ୍ଟ ଜିସ୍ତୁତି ଲାହାଂ ମେହାଜି ଜିବୁନ୍ ଜିଉଣା କିତାନ୍, ସୁନ୍ନତ୍ କି ସୁନ୍ନତ୍ ଆଞ୍ଜି ମୁଡେ ଆକାୟ୍, ରଞ୍ଜାନ୍ ମତର୍ ଲଡାନି ବିସ୍ତେ ଆନାତା, ପାତ୍ ତ ଚିର୍ ମାନ୍ଞି ଜିଉନନିତ କିନାକା ସାଦନ୍ କିନାସ୍ ।

^୭ ଏପେଙ୍ଗ୍ ହାର୍ ଲାକେ ଆଗେ ତାଙ୍ଗ୍ଜି ମାତାଦେର୍ । ହାତ୍ପା ହାଜିତ୍ ହାନିହିଙ୍ଗ୍ ଇନେର୍ ମିଙ୍ଗେଙ୍ଗ୍ ବାଦା ହିଜି ମାନ୍ତାର୍, ମିଙ୍ଗେଙ୍ଗ୍ ବୁଲ୍ ହାଜିତ୍ ହାଞ୍ଜେଙ୍ଗ୍ ହେଝାନ୍ ଇନେସ୍ ଝେର୍ତାତାନ୍ ? 「 ମିଙ୍ଗେଙ୍ଗ୍ କୁକ୍ତିନି ଇସ୍ପରତାଂ ଇ ବୁଜାୟ୍ କିନାକା ଆଞ୍ଜାତାତନା । ^୮ କାତାତ ମାନାତ୍, ଚାଟ୍ କାୟ୍ କିତି ମଇଦାଗୁଣ୍ଡାତିଂ ପୁଲାଇକିନି କାଜିଂ “ଅଲପ୍ ମତର୍ ହଇନାକା ଲଡା ।” ^{୧୦} ହେଦାଂ ଇନେସ୍ ଆଏଡ୍, ଇ ପାତେକ୍ ମି ଜପି ନା ଆହା ମାନାତ୍ । ଇନେସ୍କି ଆସେଙ୍ଗ୍ ଝିଜାର୍ ମାପୁ ଲାହାଂ ମେହାତାସନା, ନା ତାଟ୍ ପାତ୍, ଏପେଙ୍ଗ୍ ନା ଚିନ୍ତାତାଂ ବିରୁଦ୍ କିଦୁଦେର୍ । ଆରେ ଇମ୍ପ୍ରୋବାର୍ ମିଙ୍ଗେଙ୍ଗ୍ ଚାକ୍ରାୟ୍ କିଦନାନା, ହେଝାନ୍ ଇନେର୍ ଆଏର୍ ଇନେକିଦେଂ ତାଙ୍ଗେଙ୍ଗ୍ ଇସ୍ପର ହାତ୍ପା ତାଣ୍ଡୁ ହିନାନ୍ ।

^{୧୧} ମାତର୍ ଏ ଟଣ୍ଡାର୍, ତଣ୍ଡେକ୍, ଆନ୍ ଜଦି ନେଜେଙ୍ଗ୍ ପାତେକ୍ ସୁନ୍ନତ୍ ଲଡାନି ପାକ୍ୟାତ ପରଚାର୍ କିନାଙ୍ଗା, ଝାଟିଙ୍ଗ୍ ଆନ୍ ନଙ୍ଗ୍ ପା ଇନେକିଦେଂ ନିଦା ପାୟ୍ନାଙ୍ଗା ? ଜଦି ଆନ୍ ହେଦାଂ କିଜି ମାନାଙ୍ଗ୍, ତା ଆତିସ୍ ହେ ସାଙ୍ଗେ ସାଙ୍ଗେ କ୍ରିସ୍ଟୁତି କୁସ୍ ବିସ୍ତେ ବାଦା କିନାକା ହୁକେ ନାଦାଂ ଇନାକା ଅସୁବିଦା ଆଞ୍ଜାତାମ୍ । ^{୧୨} ଇମ୍ପ୍ରୋବାର୍ ମିଙ୍ଗେଙ୍ଗ୍ ଚିର୍ ଆଞ୍ଜାଦାଂ କିତଚାରନା, ହେଝାର୍ ପୁରା ସାକ୍ତି ହିଲିଞ୍ଜିତି ଲାକେ ଆତିସ୍, ହାର୍ ଆତାମ୍ ।

^{୧୩} ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକାଦେର୍, ଏପେଙ୍ଗ୍ ଜାର୍ତାରେନ୍ କାଜିଂ କୁକ୍ୟା ଆତାଦେର୍ଣ୍ଣା; ମାତର୍ ଜାଗ୍ରତ୍, କେବଲ୍

☆ ୫:୯ ୫:୯ ୧ କରନ୍ତିୟ ୫:୭.

ଗାଗାଡ଼ନି ଆହା ବେବାର କିନି କାଜିଂ ହେ ଜାରତାରେନ ଇନେସ୍ ହାତୁର ଲାକେ ବେବାର କିମାଟ୍ । ଇତିସ୍ ଜିଉନନି ହୁକେ ଚାଲାକିୟାଜି ଏପେଙ୍ଗ୍ ହାରି ହେବା କିୟାଟ୍ । ୧୪ ଇନାକିଦେଂକି ରଞ୍ଜାଙ୍ଗ୍ ମତର ବଲ୍ତ ଝିଜୁ ବିଦିତ ଇ ବଚନ୍ ବାତ୍ ଆନାଟ୍, “ଏପେଙ୍ଗ୍ ଜାର ପାଡ଼ହା ଇଞ୍ଜି ଲଗାଂ ଝାସ୍ତ୍ରିଲାକେ ଜିଉନଝାଟ୍ ।” ୧୫ ମତର ଏପେଙ୍ଗ୍ ଜଦି ପସୁ ଲାକେ ବେବାର କିଜି ହାରିତିଂ ନସ୍ କିଜି ମାନାଦେର୍ ଆରେ ହାରି ନସ୍ କିଜି ମାନାଦେର୍, ଲାଗିଂ ଜାଗ୍ରତ୍ ଆଡ, ଆଞ୍ଜିତିସ୍ ଏପେଙ୍ଗ୍ ହାରିତିଂ ପୁରା ନାସ୍ କିନାଦେରା ।

ପୁଇପୁୟା ଜିବୁନ୍ ଆରି ମାନାୟତି ଅବ୍ୟାସ୍

୧୬ ନା ଇନାକା କାତା ଆତାଡ, ପୁଇପୁୟା ଜିବୁନ୍ ମି ଜିବୁନ୍ତିଂ ଚାଲାୟକିଏଡ । ତା ଆତିସ୍ ଏପେଙ୍ଗ୍ ଆରେ ମାନାୟତି ଅବ୍ୟାସ୍ ଆହା ବାତ୍ କିଉଦେର୍ ୧୭ *ମାନାୟ ଅବ୍ୟାସ୍ ପୁଇପୁୟା ଜିବୁନ୍ନି ଇଚାନି ବିରୁଦ୍ । ହେ ଲାକେ ପୁଇପୁୟା ଜିବୁନ୍ତି ଇଚା, ମାନାୟ ଅବ୍ୟାସ୍ ବିରୁଦ୍ । ଇଞ୍ଜାଙ୍ଗ୍ ହାରି ସତ୍ତୁ । ଲାଗିଂ ଏପେଙ୍ଗ୍ ଇନାକା କିଦେଙ୍ଗ୍ ଇଚା କିନାଦେର୍, ହେଦାଂ କିଦେଙ୍ଗ୍ ରାଜି ଆକାୟ । ୧୮ ଜଦି ପୁଇପୁୟା ଜିବୁନ୍ ମିଙ୍ଗେଙ୍ଗ୍ ତାଜିକିତିସ୍, ଲାଗିଂ ଏପେଙ୍ଗ୍ ଆରେ ମସାତି ବିଦିନି ତାରେନ ଆକାୟ ।

୧୯ ମାନାୟନି ଗାଗାଡ଼ନି କାମାୟ ହାର୍ କିଜି ପୁଚାଦେଣ୍ଡା; ଦାରି, ବିଚାଡ, ୨୦ ଦାରିକାମାୟ, ପୁଡ଼ଡା ପୁଜା, ଗୁଣ୍ୟା, ସତ୍ତୁ, ଗଣ୍ଡଗଲ୍, ଆକାର୍, ରିସା, ମଡ଼ି, ଦଲ୍ଲରାଟୁ, ୨୧ ଡାରା, ହେଝାର୍ ମଦୁଝା ରଙ୍ଗରସ୍ ଝାରି ଆରି ହେ ଲାକେ ବିନ୍ବିନ୍ ବାନ୍ୟାତ ବାତ୍ ମାନାର୍ । ଆନ୍ ଆଗେ ଲାକେ ନଙ୍ଗ୍ ପା ମିଙ୍ଗେଙ୍ଗ୍ ଜାଗ୍ରତ୍ କିଦନାଙ୍ଗା । ଇମ୍ଝାକାର୍ ଏଲେଙ୍ଗ୍ବାତ୍ କାମାୟ ସବୁ କିତାର୍, ହେଝାର୍ ଇସ୍ବରତି ରାଜିନି ଆଦିକାର୍ ଆଦେଂ ଆଡୁର୍ ।

୨୨ ମାତର ଜିବୁକ୍ତି ପାଡ୍ ଜିଉନନାକା, ଝାରି, ସୁସ୍ତା, ସାସ୍, ଦୟା, ସଡ଼ଗୁଣ୍, ପାତ୍ କିନାକା, ହୁଦାର୍, ୨୩ ହୁଦାର୍, ହଝାଦ୍ ଆରି ଜିବୁନ୍ମେହାଣ୍ ଇ ସବୁ ବିରୁଦ୍ତ ଇମ୍ଝା ମସାତି ବିଦି ହିଲ୍ଲୁଡ୍ । ୨୪ ଇମ୍ଝାକାର୍ ଜିସୁ କ୍ରିସ୍ତତି, ତାକେ ପାତ୍ କିଜି ହେଝାର୍ ଗାଗାଡ଼ନି

* ୫:୧୭ ୫:୧୭ ରମିୟ ୭:୧୫-୨୩.

ଆହା ଆରି କାମାୟ ଆହା ହୁଦାଂ ମାନାୟ ହାତ୍‌ପାତିଂ କୁସ୍‌ତ ହାତାଣ୍ଣା ।^{୨୫} ପୁଇପୁୟା ଜିବୁନ୍ ମାଢେଙ୍ଗ୍ ଜିବୁନ୍ ଦାନ୍ କିତ୍‌ତାତ୍‌ନା, ହେଦେଲ୍ ମା କାଜିଂ ଜିବୁନ୍‌ତିଂ ପା ଚାଲାୟ କିଦନାତ୍ ।^{୨୬} ଲାଗିଂ ଆସେଙ୍ଗ୍ ଗରବ୍ କିନାକା କି ହାରି କାକ୍ତି ଆଉସ୍ ଆରି ହାରିତିଂ ବେରସ୍ ଆଉସ୍ ।



ହାରିତି ବଜ୍ ପିଣ୍ଡନାସ୍

^୧ ଏ ଟଣ୍ଡାର ଆରି ତଣ୍ଡେକ୍, ଜଦି ଇନେର୍ ଇମ୍‌ଣି ବାନି ପାପ୍ ହିଲ୍‌ଝି କାମାୟତ ଦାରାପଡା ଆନାନ୍, ଆମିକ୍ ମି ବିତ୍ରେତାଂ ଇମ୍‌ଣାକାର୍ ପୁଇପୁୟା ଜିବୁନ୍ ହୁକେ ଚାଲାନାତା, ହେଝାର୍ ହେଦେଲିଂ ବୁଜାୟ କିନି ଲଡା, ମାତର୍ ଏପେଙ୍ଗ୍ ଇ କାମାୟତ ହଝାଦ୍, ହୁଦାର୍ ବାବ୍ରେ କିନି ଲଡା, ଆରେ ଜାଗ୍ରତ୍, ଜାର୍ ଇନେସ୍ ହେ ଲାକେ ପରିକ୍ୟାତ କାମାୟ କିଦେଙ୍ଗ୍ ତାନ୍ଦ୍ରା ଆମାଟ୍ ।^୨ ହାରିତିଂ ବଜ୍ ପିଣ୍ଡନି କାଜିଂ ଉପକାର୍ କିୟାଟ୍, ଇଦାଂ କିନି ହୁକେ କ୍ରିସ୍‌ତି ମସାତି ବିଦି ପାଲି କିନାଦେର୍ ।^୩ ଜଦି ଇମ୍‌ଣି ଲଗୁ ଆହାର୍ ଆତିସ୍‌ପା ଜାର୍‌ତିଂ ଗାଜା ଇଞ୍ଜି ମାନେ କିନାନ୍, ଲାଗିଂ ହେଝାନ୍ ଜାର୍‌ତିଂ ନିୟା କିନାନ୍ ।^୪ ମାତର୍ ଜାଣକେ ଜାର୍ ଜାର୍‌ତି ବେବାର୍‌ତିଂ ପରିକ୍ୟା କିଜି ହୁଡ୍‌ନି ଲଡା । ଜଦି ହେଦାଂ ହାଦାକା ଆଜି ମାନାତ୍, ହେଦାଂ କାଜିଂ ହେଝାନ୍ କାମାୟ ମାନେ କିଏର୍, ଆରି ବିନେନି କାମାୟ ଲାହାଙ୍ଗ୍ ଜାର୍‌ତିଂ କାମାୟ ତୁଲାୟ କିଜି ଗରବ୍ କିମେନ୍ ।^୫ ଇନାକିଦେଂକି ଝିଜାକାର୍ ଜାର୍ ବଜ୍ ପିଣ୍ଡଦେଂ ଲାଗ୍‌ଦାନାତ୍ ।

^୬ କ୍ରିସ୍‌ଟିୟାନ୍ ନେକ୍ରିକାବୁର୍ ହିକ୍ୟା କିନିଝେଡାଂ, ହିକ୍ୟାହିନାକାନ୍ ଗୁରୁଙ୍ଗ୍ ଜାର୍ ପୁନ୍‌ଞ୍ଜି ମାନି ଝିଜୁ ହାର୍‌ଦି ବିସ୍ତେନି ବାଗ୍ ଅଦେଂ ଲଡା ।

^୭ ଚାକ୍ରାୟ ଆମାଟ୍; ଇସ୍‌ବର୍ ବିଗ୍‌ଡାତି ଲଗୁ ଆକାୟ; ଇନାକିଦେଂକି ମାନାୟ ଇନାକା ଝିଡ୍‌ନାନ୍, ହେଦାଂ ତ୍ରେସ୍‌ନାନ୍ ।^୮ ଇନେର୍ ଜାର୍ ଗାଗାଡ୍, ଉଦେସ୍ ଝିଡ୍‌ନାନ୍; ହେଝାନ୍ ଗାଗାଡ୍‌ତାଂ ହଡ୍‌ତି ଚାନେକ୍ତି ତାସ୍ ତ୍ରେସ୍‌ନାନ୍; ମାତର୍ ଇନେର୍ ପୁଇପୁୟା ଜିବୁନ୍‌ତ ଉଦେସ୍ ଝିଡ୍‌ନାନ୍, ହେଝାନ୍ ପୁଇପୁୟା ଜିବୁନ୍‌ତାଂ ହଡ୍‌ତି ଝିଜ୍‌ଝି ଜିବୁନ୍‌ବାତ୍ ତାସ୍ ତ୍ରେସ୍‌ନାନ୍ ।^୯ ଆସେଙ୍ଗ୍ ହାର୍ କାମାୟ କିଦେଙ୍ଗ୍

ଝାହୁସ୍; ଇନାକିଦେଂକି ଝାଝିଦାଂ କାମାୟ୍ କିତିସ୍ ସମାନ୍ ସମୁତ ତାସ୍
ତ୍ରେସ୍ନାସ୍ । ^{୧୦} ଲାଗିଂ, ଏତେ ହର୍ ପାବ୍ ପାୟ୍ନାସା, ସବୁଝେଡ଼ାଞ୍
ଝିଜାର୍ତି, ହାରିହାରା ଇମ୍ଣାକାର୍ ମା ପାତ୍ କିନାକାର୍ କୁଟୁମ୍,
ହେଝାର୍ତି ହାର୍ କିନାକା ମାଞ୍ ଲଡ଼ା ।

ହାରିହାରା ଜାଗ୍ରତ୍ କାତା ଆରି ବାନ୍ଦାୟ୍

^{୧୧} ହୁଡ଼ାଟ୍, ଇନେସ୍ ଗାଜା ଗାଜା ଅକରତ୍ ଜାର୍ କେଇଦ୍ ଆନ୍
ମି ଲାଗାୟ୍ ଲେକିକିନାଞା । ^{୧୨} ଇମ୍ଣାକାର୍ ମାନାୟ୍ ବାତ୍ ବିସ୍ତେ
ଚଞ୍ଝୟାନାର୍ ଆରି ଉସ୍କାୟ୍ କିତାର୍, ହେଝାର୍ ନେ ହେଝାରିଂ ସୁନ୍ନତ୍
ଆନି କାଜିଂ ଜବରଦସ୍ତ୍ରି କିନାରା । କ୍ରିସ୍ତ୍ରି କ୍ରୁସ୍ କାଜିଂ ନିନ୍ଦା ବଗ୍ କିଝି
ଉଦେସ୍ତ ହେଝାର୍ ଇଦାଂ କିନାରା । ^{୧୩} ଇନାକିଦେଂକି ଇମ୍ଣାକାର୍
ସୁନ୍ନତ୍ ନିୟମ୍ ପାଲି କିନାର୍, ହେଝାର୍ ନିଜେ ପା ମସାତି ବିଦି
ପାଲି କିଜି ମାନୁର୍ । ଏପେଞ୍ ସୁନ୍ନତ୍ ଆଡ଼ ଇଞ୍ଜି ହେଝାର୍ ଇଚା
କିନାରା । ଇ ଗାଗାଡ଼୍ ବିଦି ପାଲି କିଦେଞ୍ ମିଞ୍ଝେଞ୍ ଝେର୍ତେଦେଂ
ଆଡ଼ଦିତିସ୍ ହେଝାର୍ ଗରବ୍ କିତାର୍ । ^{୧୪} ମାତର୍ ଆନ୍ କେବଲ୍
ମା ମାପୁ ଜିସୁ କ୍ରିସ୍ତ୍ରି କ୍ରୁସ୍ ବିସ୍ତେ ଗରବ୍ କିନାଞା; ଇନେକିଦେଂକି
ତା କ୍ରୁସ୍ ଲାହାଂ ଜଗତ୍ ନା କାଜିଂ ହାତାଡ଼ ଆରି ଆନ୍ ଜଗତ୍ କାଜିଂ
ହାତାଞ୍ । ^{୧୫} ଇନେର୍ ସୁନ୍ନତ୍ କି ସୁନ୍ନତ୍ ଆଝି, ହେବେ ଇନାକା ଆଏଡ଼
କି ଆମେଡ଼, ପୁନି ଉବ୍ଜାଣ୍ ନେ ସାର୍ ବିସ୍ତେ । ^{୧୬} ଇମ୍ଣାକାର୍
ଜାର୍ ଜିବୁନ୍ତ ଇ ରିତି ଦାହ୍ନାର୍ ହେଝାର୍ ଝିଜାର୍ ଆରି ଇସ୍ପର୍ତି
ମାନାୟାର୍ ଇସ୍ରାଏଲ୍ ଝିଜାର୍ ଜିବୁନ୍ନି ସୁସ୍ତା ଆରି ଦୟା ଆୟେଡ଼ ।

^{୧୭} ହାରିହାରା, ନା ଏଚେକ୍ ଇନି କାତା, ନାଞ୍ ଇନେର୍ ଆରେ ଦୁକ୍
ହିଦମେର୍ । ଇନାକିଦେଂକି ନା ଗାଗାଡ଼ତ୍ ଇମ୍ଣା ସବୁ ଗାଝାତି ଚିନ୍କୁ
ମାନିକ୍, ହେବେଣ୍ଟାଂ ହନାଡ଼ ଜେ ଆନ୍ ଜିସୁ କ୍ରିସ୍ତ୍ରି ଆଡ଼ିଏନ୍ ।

^{୧୮} ଏ ଚଣ୍ଟାର୍ ଆରି ତଣ୍ଡେକାଦେର୍, ମା ମାପୁ ଜିସୁ କ୍ରିସ୍ତ୍ରି
ଉପ୍କାର୍ ମି ଝିଜାର୍ ଲାଗାଂ ଜିବୁନ୍ନି ଉପ୍କାର୍ ମାନେଡ଼ । ଆମେନ୍
।

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43